

Okulwanyisa ekiwuka ekifunya ebikoola by'omuceere.

Omuceere mmere ya mugaso esinga okuliibwa ku ssemazinga wa asia lwakuba gulumbibwa endwadde nnyingi n'ebitonde ebyonoona ebirime. Ekiwuka ekifunyaamu ebikoola by'omuceere kitonde ekyonoona ebirime ekirumba omuceere ku mitendera egy'enjawulo egy'okukula.

Okulwanyisa ebiwuka ebifunya ebikoola by'omuceere oyita mu kulima bika ebitalumbibwa biwuka ebyo mu mabanga aga bulijjo ag'obugazi obwa ssentimmita abiri ku abiri okusobozesa omusana okugutuukako. Kozesa ebigimusa ebikoleddwa mu bintu eby'obutonde kubanga ekirungo kya nitrogen ekiyitiridde ekiva mu bigimusa ebitali bya butonde kyongerera okusikiriza ebitonde ebyonoona ebirime. Ebiwojjolo ebikulu bitege amataala era laba nga tebibika magi ku bikoola era n'okukozesa ebiwuka eby'omugaso okugeza ennumba ezirya ebiwuka zisobole okutta ebiwuka ebifunya ebikoola by'omuceere. Ennumba zino zibika amagi gaazo mu magi g'ebiwuka ebifunya ebikoola by'omuceere, era, ennumba bw'egenda ng'ekula, erya amagi g'ebiwuka ebifunya ebikoola by'omuceere era n'ebyonoona. Funa kkaadi eziriko amasanda agakwata ebiwuka okuva mu maduuka g'abalimi era zikyusekyuse buli luvannyuma lwa nnaku abiri.

Amataala agakozesebwa ng'obutego

Akatego akangu ak'amataala kasobola okukolebwa nga okozesa obuzindaalo bwa pulasitiika bubiri. Akazindaalo akamu kabeere waggulu w'ettaala y'amasannyalaze, akalala nga kali wansi waayo okukwata ebiwojjolo. Obuzindaalo bwombi busemberegane waakiri olekewo ebbanga lya ssentimmita waakiri bbiri wakati w'obuzindaalo. Teeka olupiiira oluliko obunene bwa ssentimmita bbiri n'ekitundu ku kazindaalo ka wansi ebiwojjolo bisobole okugwa mu mazzi agali wansi. Akatego ako kasibe ku muti ku buwanvu bwa mmita wakati w'emu n'ekitundu okutuuka ku mmita bbiri, omutege gusobole okubeera wagguluko n'omuceere. Bw'oba tolina masannyalaze, osobola okukozesa ettaala ey'omukono.

Enkola ennyangu ez'okutangira ebitonde ebyonoona ebirime

Okuteeka obuti obwakula ng'obusaalaba mu nnimiro y'omuceere ebinyonyi bisobole okuwummulirako. Ebinyonyi birya ebiwuka ebifunya ebikoola by'omuceere. Oyinza okwanjuluza ebikoola ebifunyiddwa n'otta ebiwuka ebifunya ebikoola nga okozesa emikono gyo.

Oluvannyuma lw'okukungula, ebiwuka ebifunya ebikoola by'omuceere bisigala mu bikolo by'omuceere n'ebimera n'omuddo. Okwokya ebikolo tekitta biwuka ebyekwese wabula kitta biwuka eby'omugaso. Ensekeseke z'omuceere zikozese ng'eby'okwalirira ensolo, ng'emmere y'ensolo oba okubikozesa ekintu ekirala kyonna.

Sala era oggyemu omuddo nga tonnaddamu kusimba bimera birala kubanga omuddo guyinza okubeera ekimera ekirala ekiyinza okubeeramu ebiwuka bino. Oba, leka ensolo zirye omuddo ogwo. Nga ebirime biri mu nnimiro, ggyamu omuddo.